


SENIOR CERTIFICATE EXAMINATION
SENIORSERTIFIKAAT-EKSAMEN



OCTOBER / NOVEMBER
OKTOBER / NOVEMBER

2004

SETSWANA PUO YA NTLHA
SEEMOGODIMO

Pampiri ya Boraro

HG

117-1/3

7 pages

SETSWANA FIRST LANG HG: Paper 3



COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI



LEFAPHA LA THUTO LA GAUTENG

DITLHATLHOBO TSA MAKGAOLAKGANG

SETSWANA PUO YA NTLHA
SEEMOGODIMO
(Pampiri ya Boraro)

NAKO: Diura tse 2½

MADUO: 120

DITAELO:

- Pampiri e, e na le dikarolo tse THARO, karolo A, B, le C.
 - Araba dipotso go tswa mo dikarolong tse di farologaneng.
 - Mo Karolong ya C tlhopa buka e le NNGWE, mme o arabe potso ya dinaane **kgotsa** dikgangkhutshwe
 - Araba dipotso tsotlhe ka Setswana se se nepagetseng.
-

KAROLO YA A

Kwala tlhamo ya ditsebe tse PEDI ka se le SENGWE sa ditlhogo tse di latelang. Itlhophele setshwantsho kgotsa tiragalo e e kaiwang jalo. A tlhamo e nne ya nngwe ya mefuta e e latelang: ngangisano, kanelo, tlhaloso kgotsa maipolelo.

POTSO 1

- 1.1 Leba setshwantsho se se latelang ka ga motswasetlhabelo wa bolwetse jwa lohube ("thiibii") Ga a na maatla le tshepo gore o tla fola. Mmuso o dira eng?



- 1.2 Bontle bo na le dibebebejane.
- 1.3 Kwala tlhamo ka ga ntwana e e masisi e e lolweng ke moporesitente Saddam le Bush. Ntsha maikutlo a gago ka se se diragetseng.
- 1.4 Bašwa ba naga eno ba latlhegetswe ke kgatlhego ya go nna le seabe mo ditlhophong tsa demokerasi.
- 1.5 Menatenate ya lefatshe ga e na tuelo.
- 1.6 Bana ba rantsho ba sotla batsadi ba bona.

PALOGOTLHE YA KAROLO YA A: 1x40=[40]

KAROLO YA B

POTSO 2

Araba potso e le NNGWE fela, mme boleele jwa karabo ya gago bo nne tsebe e le NNGWE.

- 2.1 Kwala **metsotso** ya kopano ya setšhaba sa karolo ya ga lona le Tona ya matlotlo, mme le e lemose ka ga tiriso e e botlhaswa ya dithoto tsa mmuso.

KGOTSA

- 2.2 Kwala **memorantamo** o o lebise go mekgatlho ya badiri o ba rotloetse go fetola lenaneo la yona kgotsa pholesi ya go ngoka babeeletsi go tla mo nageng gore botlhokatiro bo fokotsege.

KGOTSA

- 2.3 O moithuti yo o bonang maemo a a kwa godimo mo serutweng sa mmetse. O rakana le mongwe a rekisa pampiri ya ditlhatlhobo ka bonokwane. Neela ka **pegelo** kwa sepodising.

1x20=[20]

POTSO 3

Araba potso e le NNGWE, mme boleele e nne TSEBE

- 3.1 O motswasetlhabelo wa bolwetse jwa **AIDS**. Batsadi ba gago ba tlhokafetse, fela o setse o le wesi mo lapeng. Kwalela Tona ya lefapha la boitekanelo o e kope thuso.

KGOTSA

- 3.2 Kwalela malomaago **lekwalo** o kope go tla go go tshegetsa fa o tla be o amogela lekwalo la gago la materiki.

1x20=[20]

POTSO 4

Araba potso e le NNGWE mme karabo e nne boleele jwa TSEBE fela.

- 4.1 Romela tsala ya gago e e leng mokwaledi wa lekwalogodikgang **telegerama** o e rotloetse mo tirong ya bogatlamelamasisi e a e dirileng kwa Iraq.

KGOTSA

- 4.2 Mongwe wa ditsala tsa gago o mo diphateng tse di bolelo ka ntlha ya kotsi e a e boneng. Mo romele molaetsa ka **E-mail** wa masego le pholo.

1x10=[10]

PALOGOTLHE YA KAROLO YA B: [50]

KAROLO YA C DINAANE

Tihopha potso e le NNGWE fela mo karolong e.

Ntlhabele Dinaane – Z.S. Dipale

POTSO 5

Buisa naane e e latelang, mme morago o arabe dipotso tse di tla latelang.

Botlhale bo a humisa

Ga twe e rile, e le monna mongwe, a bidiwa Mokgona. Monna yo o ne a sotlegile thata. O ne a ya go batla tiro. Ya re mo tseleng a tshwarwa ke tlala, a tsena mo borekisetso, a reka senkgwe le jeme, a nna fa fatshe mme a ja.

Ntsi ya tla, ya kotama mo senkgweng, ya ngaparela, a e betsa ka seatla, ya swa. Ya bobedi le yona a e bolaya, a bo a latlha senkgwe le jeme ele. A tsaya mosidi a kwala mo pampitshaneng gore ena ke monna yo o thata, yo o bolaileng banna ba babedi ka seatla, ka nako. A tswelela le mokgaphe, a fitlha mo polaseng nngwe. Batho ba ba dirang foo ba tshoga thata go bona monna yo o thata jalo. Ba ya go bitsa Lekgoa. Monna a tlahalsetsa Lekgoa fa a le thata, a bile a bolaile banna ba le babedi ka seatla.

Gonne go ne go na le sekgwa se se neng se nna boDimo, Tau le Tshukuolu, lekgoa la mo kopa gore a ye go bolaya dilo tse.

A simolola ka go latela tau. Ya re a sa le kgakala, ya mo utlwa ka monkgo. Ya mo latela, ya mo koba, a tsena ka letlhabaphefo la ntlo nngwe batho ba yona ba hudugileng, tau le yona ya tsena, a taboga a tswa kwa kgorong a tswala letlhabaphefo lele.

- 5.1.1 Neela leina la moanelwa mo naaneng e.

(2)

- | | | |
|--------|---|-------------|
| 5.1.2 | Ke eng se se mo gapeletsang go batla tiro? | (2) |
| 5.1.3 | A o ile a atlega ka leano leo? | (2) |
| 5.1.4 | Tshegetsa karabo ya 5.1.3 ka dintlha tse PEDI tse di maleba. | 2x2=(4) |
| 5.1.5 | Banna ba ba bolailweng mo naang e, ke eng? | (2) |
| 5.1.6 | Monna yo o ne a bona bohumi jang? | (2) |
| 5.1.7 | Neela di le PEDI fela tsa diphologolo tse a duetsweng ka tsona. | 1x2=(2) |
| 5.1.8 | O ne a duelwa ke mang? | (2) |
| 5.1.9 | O ne a mo duelela eng? | 1x2=(2) |
| 5.1.10 | Neela mekgwa e MEBEDI fela e e dirisiwang go simolola dinaane tsa Setswana. | 1x2=(2) |
| 5.1.11 | Ka dintlha di le PEDI fela leka go senola maikaelelo a go tswaisa ka dipina mo dinaaneng? | 1x2=(2) |
| 5.1.12 | Tau, go ya ka dinaane, e itsege ka eng? | (2) |
| 5.1.13 | Gantsi mo dinaaneng go dirisiwa sekapuo sefe? | (2) |
| 5.1.14 | Neela thitokgang / morero wa naane e. | (2) |
| | | [30] |

KGOTSA

5.2 Anela ka nngwe ya dinaane tse di latelang, mme kanelo ya gago e tlhagise tse di latelang, diteng molaetsa le kwelano mo naaneng e o tla bong o e tlhophile.

- | | |
|-----|----------------------------|
| (a) | Senkepeng, ngwana wa kgosi |
| (b) | Basetsana ba bararo |

[30]

POTSO 6
DIKGANKHUTSHWE

Mmualebe – R.M. Malope

6.1 Buisa temana e e latelang, mme morago o arabe dipotso tse di latelang.

Botshelo, kana o gakgamatsa jang! Go tla jang gore tiragalo e ntlêntlê e, ya gago, e e tshwanetseng go amogelwa ke motlhanka wa gago Lefatshe ka meropa le dikoma, e fetoge manyaapelo mo bathong bangwe? Bangwe o ba dira gore ba lope Moabi wa masego bosigo le motshegare go ba gopola ka tshegofatso ya thari. Bangwe o ba dira gore ba hutse Ramasedi ka go ba nesetsa yona pula eo ya masego. Botshelo, o tota o le bodibabotala tlhokaboelelo ...! Tselane a itlhoa, a tlhora. Tota lefatshe le mo utlwang eng? A rwala ditlhako a leba Khalambazo ...

- | | | |
|--------|--|-----|
| 6.1.1 | Tiragalo e ntlentle ke efe? | (2) |
| 6.1.2 | A tiragalo e, e amogetswe? Tshegetsatsa karabo ya gago ka lebaka. | (2) |
| 6.1.3 | Tlhalosa ka boripana gore ke eng se se bakileng tiragalo e. | (4) |
| 6.1.4 | Tiragalo e ntlentle e ne e diragaletseng mang? | (1) |
| 6.1.5 | Moabi wa masego ke mang? | (1) |
| 6.1.6 | Moabi wa masego o lopiwa jang. | (1) |
| 6.1.7 | Neela lekaelagongwe la manyapelo . | (2) |
| 6.1.8 | Go lopa go tshegofatswa ka thari, ke go dira eng? | (2) |
| 6.1.9 | Ke eng ba bangwe ba hutsa Ramasedi ka go ba nesetsa pula ya masego? | (2) |
| 6.1.10 | Temana eno e nopotswe mo khutshweng efe? | (2) |
| 6.1.11 | Tlhalosa gore go tewa jang fa go tse Botshelo, o tota o le bodibabotala tlhokaboelelo . | (2) |

- 6.1.12 Ke eng fa Tselane a ne a itlhoa? (2)
- 6.1.13 Fa o gopola, ke mang motlhodi wa tse? (1)
- 6.1.14 Moanelwa yo, o ya go dira eng kwa khalambazo? (2)
- 6.1.15 Go ya ga gagwe teng go feletse jang? (2)
- 6.1.16 Ke eng fa Mma-Mmualebe a tlôla khutshwe e? (2)
- [30]

KGOTSA

6.2 Anela ka ga khutshwe, **O nkutlwe**, o ikaegile ka dintlha tse di latelang:

- Ditiragalo tsa phitlho
 - Batlaphitlhong
 - Mafoko a Moruti
 - Megoga
 - Ditiragalo tsa letsatsi la Tshipi morago ga phitlho
- [30]

PALOGOTLHEYA KAROLO YA C: [30]

PALOGOTLHE: 120